

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 01/I-466-20 /16
G. Dubrave, 20.06.2016. godine

Na osnovu člana 69. stav 1. alineja a), člana 70. Zakona o javnim nabavkama BiH (Službeni glasnik Bosne i Hercegovine broj: 39/14) te prijedloga Komisije za provođenje pregovaračkog postupka bez objave obavještenja za nabavku rabljenog vatrogasnog vozila broj: 01/I-466-19/16 od 17.06.2016. godine, u ime uprave Direktor JP «Međunarodni aerodrom Tuzla» d.o.o.,
d o n o s i:

O D L U K U
o izboru najpovoljnijeg ponuđača

Ponuda ponuđača „LAKMUS BH“ D.O.O. iz Lukavca, proglašava se najpovoljnijom, te se imenovanom ponuđaču dodjeljuje ugovor za nabavku rabljenog vatrogasnog vozila.

Ugovorni organ će istovremeno uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Ugovorni organ je na osnovu Odluke o pokretanju pregovaračkog postupka bez objave obavještenja za nabavku rabljenog vatrogasnog vozila, proveo pregovarački postupak za nabavku rabljenog vatrogasnog vozila.

Postupak proveden u skladu sa članom 21. stav 1. tačka a) Zakona o javnim nabavkama u kojem je navedeno: „Kada nijedna ponuda ili nijedna prihvatljiva ponuda nije dostavljena u otvorenom ili ograničenom postupku i kada uslovi za ugovor nisu bitno promijenjeni na uslove iz prethodnog postupka“.

Poziv za učešće u pregovaračkom postupku bez objave obavještenja za nabavku rabljenog vatrogasnog vozila upućen svim ponuđačima koji su učestvovali u prethodnom otvorenom postupku za nabavku rabljenog vatrogasnog vozila, a isti je objavljen i na web – stranici www.tuzla-airport.ba.

Pregovarački postupak bez objave obavještenja za nabavku rabljenog vatrogasnog vozila u skladu sa članom 28. Zakona o javnim nabavkama BiH („Službeni glasnik BiH“ 39/14) odvijao se u tri faze:

1. Faza Pretkvalifikacije
2. Faza dostave inicijalne ponude i pregovaranja
3. Faza dostave konačne ponude

Rok za 1. Fazu pretkvalifikacije bio je 17.05.2016.godine do 10:00 časova i pristigle su tri ponude/zahtjeva za učešće ponuđača / kandidata kako slijedi:

- „LAKMUS BH“ D.O.O. LUKAVAC
- „INTERTRANS KOMERC MUSIĆ“ D.O.O. SREBRENİK
- „ASTORIJA M“ D.O.O. BANJA LUKA

Komisija za nabavku rabljenog vatrogasnog vozila putem pregovaračkog postupka bez objave obavještenja imenovana Rješenjem broj: 01/I-466-2/16 od 12.05.2016.godine pristupila otvaranju ponuda u skladu sa zakonom te sačinila i Zapisnik sa otvaranja ponuda koji je dostavljen navedenim ponuđačima / kandidatima.

Nakon što je Komisija na osnovu pristiglih zahtjeva provjerila kvalificiranost u skladu sa uslovima iz tenderske dokumentacije, 17.05.2016.godine uputila je poziv za dostavljenje inicijalnih ponuda svim gore navedenim ponuđačima.

Rok za dostavu inicijalnih ponuda bio je 20.05.2016.godine do 9:00 časova, a isti dan zakazani su i pregovori u 11:00 časova.

Ponuđači kojima je u upućen poziv za dostavu inicijalnih ponuda dostavili su ponude kako slijedi:

- „ASTORIJA M“ D.O.O. BANJA LUKA, čija ukupna cijena ponude iznosi 234.900,00 KM bez PDV-a
- „LAKMUS BH“ D.O.O. LUKAVAC, čija ukupna cijena ponude iznosi 208.000,00 KM bez PDV-a
- „INTERTRANS KOMERC MUSIĆ“ D.O.O. SREBRENİK, čija ukupna cijena ponude iznosi 247.000,00 KM bez PDV-a.

Nakon isteka roka za dostavu inicijalnih ponuda Komisija se sastala i provjerila ispravnost ponuda u skladu sa uslovima iz tenderske dokumentacije sačinila Zapisnik sa otvaranja ponuda i konstatovala da se sa sva tri ponuđača mogu voditi pregovori.

Pregovori vođeni sa svakim ponuđačem posebno o čemu su sačinjeni i zapisnici. Na pregovorima između ostalog pregovarano i o dodatnom popustu gdje su ponuđači:

- „ASTORIJA M“ D.O.O. BANJA LUKA, ponudio popust tako da bi konačna cijena ponude iznosila 230.000,00 KM bez PDV-a,
- „LAKMUS BH“ D.O.O. LUKAVAC, ponudili popust tako da bi konačna cijena ponude iznosila 205.000,00 KM bez PDV-a;

Ponuđač „INTERTRANS KOMERC MUSIĆ“ D.O.O. SREBRENİK, nije ponudio dodatni popust i konačna cijena ponuđenog vozila bi iznosila 247.000,00 KM bez PDV-a. Na pregovorima je također sa sva tri ponuđača dogovoreno da u skladu sa tenderskom dokumentacijom i uslovima iz iste omoguće uvid i provjeru tehničkih karakteristika ponuđenih vozila.

Ovlašteni predstavnici JP „Međunarodni aerodrom Tuzla“ d.o.o. izvršili su uvid i provjeru tehničkih karakteristika ponuđenih vozila o čemu su sačinjeni i Izvještaji kao i fotodokumentacija o istom.

Komisija se ponovno sastala dana 16.06.2016.godine te na osnovu dostavljenih Izvještaja o izvršenoj provjeri i tehničkoj ispravnosti ponuđenih vozila, dodatno analizirala sve tri ponude, a u skladu sa kriterijem iz tenderske dokumentacije za dodjelu ugovora „NAJNIŽA CIJENA“ konstatovano da se uputi poziv ponuđaču „LAKMUS BH“ D.O.O. LUKAVAC za dostavu konačne ponude do 17.06.2016.godine do 9:00 časova.

Konačna ponuda ponuđača „LAKMUS BH“ d.o.o. Lukavac pristigla 17.06.2016.godine u 8:45 časova.

Konačna ponuda zadovoljava zahtjev u pogledu opisa predmeta nabavke i tehničkih specifikacija. U sklopu konačne ponude ponuđač ponudio cijenu u skladu sa dogovorenom cijenom na pregovorima od 20.05.2016.godine, a konačna ponuđena cijena iznosi : 205.000,00 KM bez PDV-a.

Polazeći od gore navedenih konstatacija Komisija za provođenje pregovaračkog postupka bez objave obavještenja za nabavku rabljenog vatrogasnog vozila , konstatovala je da postoje uslovi izbor najpovoljnijeg ponuđača i dodjelu ugovora istom u skladu sa članom 64. stav 1. tačka b) i 70. Zakona o javnim nabavkama BiH.

Na osnovu ovog prijedloga Komisije za provođenje pregovaračkog postupka bez objave obavještenja za nabavku rabljenog vatrogasnog vozila, ovlašteni organ ugovornog organa donio je odluku kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
3 x Ponuđačima
1 x Evidenciji
1 x a/a


DIREKTOR
ZIVINICE
Rifet Karasalihović